



26. november 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqut Alluitsup Paani aamma Nanortalimmik Tanbreez pillugu innuttaasunik ataatsimiititsinissamut tunngatillugu:**

- 1. Misissuineq suna Naalakkersuisut innersuussutigaat tusagassiutitigut oqaramik, Alluitsupaarmiut Nanortalimmiullu Tanbreez tapersorsoraat?**
- 2. Naalakkersuisut misissuineq qanoq ingerlappaat aamma tassunga atatillugu paasissutissat suut tunngaviuppat?**

(Inatsisartunut ilaasortaq Michael Rosing, Demokraatit)

**Tunngavilersut:**

Demokraatini iluareqaarput, malunnarsimmat kujataani Kangerluarsummi aatsitassat qaqtigoortut piliarneqalernissaannut suliniuteqartoqalermaat. Suliniut tapersorsorparput, kujataani suliffissaqartitsiniarnermut iluaqtaasussaammat peqataanillu inuiaqatigiit aningaasarsiornerannut ikorfartuilluni.

Suliamut atatillugu maannakkut kujataani innuttaasut ataatsimiitinneqaqattaarput. Innuttaasunik ataatsimiititsinerit siunertaraat suliniut pillugu innuttaasunut paasissutissiinissaq. Taamaattumik iluarpoq Naalakkersuisut ataatsimiinnerit tamakku pimoorummagit piareersimallutillu innuttaasunit apeqqutigineqartunik akinissaminnut.

Avatangiisinut Pinngortitamullu Naalakkersuisoq Kim Kielsen aamma Inuutissarsiornermut Aatsitassanullu Naalakkersuisoq Jens-Erik Kirkegaard ilaatigut Alluitsup-Paani aamma Nanortalimmi suliniut Tanbreez pillugu innuttaasunik ataatsimiititseqqammerput.

Tamatuma kingorna Naalakkersuisut tusagassiutinut nalunaarusiorput qulequtaqartumik: "Alluitsupaarmiut Nanortalimmiullu suliniuit Tanbreez tapersorsorpaat".

Tusagassiutinut nalunaarummi erserpoq, inuppassuit ataatsimiigarsimasut kisianni ersinngilaq Naalakkersuisut qanoq illutik inerniliisimanersut oqarlutik Alluitsup-Paarmiut Nanortalimmiullu suliniut tapersorsoraat. Tusagassiutinut nalunaarummi paasissutissat naapertorlugit inerniliunneqapajaarsinnaavoq suliniut assut soqutigineqarsimasoq aamma inerniliunneqapajaarsinnaavoq innuttaasut ataatsimiinnermi peqataasut akuersarnerusimasut kisianni oqartoqarsinnaanngilaq innuttaasut inoqarfinni pineqartuni marlunni tamarmik akuersaartut.



**DEMOKRAATIT**  
**DEMOKRATERNE**

Demokraatini neriuppugut Naalakkersuisut pillatsiarnerinnaap ingerlanerani iluarusuttoqarmat qulequtsiisimassanngitsut tunngavissaqanngitsumik. Tamanna tunngavigalugu neriuppugut, Naalakkersuisut misissuinerup inernerini peqassasut, Alluitsup-Parmiut Nanortalimmiullu suliniummut Tanbreezimut tapersersuinerarlugit qulequtsiussaminnut uppernarsaataasinnaasunik.

Apeqquut tiguneranniit akeqquneqarput ullut suliffiit naliginnaat qulit iluanni.